

285
62

I

QUÆSTIO MEDICA.

QUOD LIBETARIIS DISPUTATIONIBUS
manè discutienda in Scholis Medicorum, die Jovis
vigesima-quarta Novembris.

M. LUDOVICO LABBE', Doctore Medico,
Academiae Censore, Præside.

An febris essentia, Calor?

I.

NISI obstaret febris, quisque ferè concessum sibi à naturâ vitæ cursum perageret. Morbi alii qui aut brevi hominem tollunt aut sensim consumunt vix adoriuntur centesimum. Hic nemini parcit, omnem sexus, ætatis, temperiei, victus rationis vim eludens oppositam, quod se aut ad salutem, aut ad interitum versurus sit, semper anceps. Cætera quotquot sunt quibus adligimur mala, certas symptomatum, quibus naturæ officiant, copias sortita sunt; habet hoc singulare febris ut si quem perdere insliterit, nulla non hominem nata lædere incommoditas ejus prava, quantum in se est, consilia roboret atque promoveat. Soliciti, crudi, macie, labore, inediâ confecti, otiosi, perpasti, succi pleniores maximè ei obnoxii sunt. Obscuris interdum initiis se ingerit, desubitò interdum & tumultuosè apprehendit; nunc lento incedit pede, nunc velocissimo progreditur; assiduè alias & uno tenore afflicta, alias certis exacerbatur horis, est cum extincta omnimodè post statas periodos reviviscit. De illius essentia, quo contineretur potissimum, à recentioribus nonnullis, vel calidissimè disputatum est, Paracellso, Sylvio, Villisio, Ettmülero, & sinistra quem in lucem natura extulit, nec quidquam potuit nisi meliores carpere Helmontio. Ut à quibus, an antiquitatis, an novitatis partibus stet veritas discernatur, id sufficit requirere, quæ scilicet apud febrem proprietas id privilegii obtineat, ut primo inter ceteras, quibus ea obnoxia est, loco posita esse agnoscat.

II.

VIS tibi rei alicujus essentia, seu id quo hoc vel illud est, innotescat, singulas illius proprietates contemplare; has excludere quibus si careat nihil quidquam ideo detrimenti in eam redundabit; in nullâ noli consistere quæ tametsi ei adsideat perpetuò, alteri se priori subiecta est; ultra perge donec eam offenderis quam semper præsentem reliquæ omnes consequuntur & supponunt, dum ipsa regnans nullam agnoscit aliam cui serviat. Id exemplo patet: Illius rei essentiam reperire animus est quæ generationi omni corruptionique subternitur (vulgò appellant materiam) hanc viam insiste, eò facile quo tendis pervenies; simul duritiem ex eâ dempseris, mollitiem, fluxilitatem, motum, quietem, quæ tametsi absint illæsa nihilominus mansura est; nec figuræ

etiam, divisiibilitati & impenetrabilitati pepercis, ei quidem assidentibus perperuò, at proprio robore non stantibus, ultrò sese offeret in omnem dimensionem extensio, essentia sibi apud eam jure certè meritisimo vindicta laudem, usque quæ omnium, quibus materia ornata est, affectionum prima, posita præsensque eam continuò exhibeat, expulsa, ne vel minimum quidem illius vestigium remanere permittat. Simili prope modo, si cæteras quibus febris impune careat proprietates contempseris, quæ superstes nunquam illam deserere & primo in ea loco posita esse videbitur veram tibi genuinamque illius essentiam demonstrabit.

I I I.

CALORE imprimis & frigore tactilibus, acerbitate, amarore, aciditate, cæterisque aliis lapidis virtutibus (*dividuis* appellat Hippocrates) & sani hominis & ægroti fortuna stat. His intelligimus materiae aliquam portionem, iis in-existentem corporibus quæ vel cui vel palato adhibita hanc vel illam apta sunt perceptionem apud nos invitare. Disciplinam uniuscujusque genuino characteri caterisque aliis rerum naturalium causis latentibus requirendis intentam, arti quam profitemur (nihil dico de artifice) prope inanem esse contendimus; hanc vetus Medicina tot inventis præclara ne norat quidem, felix si propriis opibus, ad quas eam Hippocrates redegerat, satis dives, alienarum præterea curam suscipere denuò & hypothesen vanitati servire coacta non fuisset. Ea quæ in nobis subsunt facultates amico inter se, ut natura desiderat, nexu conjunctæ sint, sanitatis integritatem possidemus; ex his una pluresve à reliquis dissilant, morbo adligimur. Nulla molestius graviusque quam saporum intemperantia & dominatu conturbamur; fidem hujus rei faciunt ægrotudines innumerae, quæ aliàs facile domabiles, si aut acris aut acidi aut alicujus alterius saporis hujusmodi vim traxerint, quidquid opis adferatur, per longas nihilominus temporis moras obstinatè deserviunt. Calidi è contra frigidique virtutes evectæ supra modum omninò levium sub morbis virium sunt; quin sæpe mutua sibi ipsis, ut attemperentur, opem præstant. Ex alto corporis sinu tacitè profectum frigus ossa quatiat, una vix hora vel altera præterierit, cum succedancus calor illud quantumlibet egregiè insolescens rapiet proster-netque; nec vero deinceps caloris fors multò fortunatior futura est, quem redux pede, ut ejus natura fert, paulo languidiori frigiditas longè lateque grassantem vicissim pessundabit. Quanta quanta tamen caloris, dum solus fatigat, infirmitas est, si aliquam cum saporibus societatem inierit, ejus vis ita acuitur, ut ne ulla quidem reliquarum, quæ in homine delitescunt, facultatum sit ad illum comparanda. Qui sub febre omni sive levi sive gravi, vel saporum purâ, vel eorum commercio sordidatâ, has ei partes concesserit ut illam nunquam deserat & cæterarum quas experiri nata est affectionum dux examen regat & necum faciet & æquo Jove judicabit.

I V.

PROPRİETATUM febris duplex ordo censendus est. Nullo alias sui damno vel admittit vel repudiat, aliis nusquam destitui se patitur calori necessario colligatis & ab eo quasi suspensis. Ea sola quæ gravissima est has fere secum portat, virium prostrationem, animi defectionem, syncopem, artuum jactationem, soporem, delirium, sitim (quæ nulla naturalis est) inextin-

Itam, motus convulsivos, exanthemata, carbunculos; Moderatori hæ fere se adiungunt, facies inflammatione ruboreque suffusa, tensiva lassitudo, capitis gravitas, somnus altior, respirationis difficultas, quarum omnium vix ullam in mitissimâ, qualis ephemera est, reperias. Horror, rigorve intermittentem, sæpe etiam vel continuam comitatur, mille aliis locis nequaquam conspicuus. His putredo, à fermentatione non diversa & in saporum inter se dissidio posita, accensenda est, quam nemo sub febris gravitate summâ non agnoscat, sub insigni ejusdem mollitie, nisi percontumax, non rejiciat. Dum febris hæc affectionibus aliisque hujusmodi, quæ ab ejus essentia procul semotæ sunt, immunis esse potest, caloris exuperantia, sanguinis fervore, & pulsus vehementia atque crebritate, tot veluti satellitibus individuis circumsepta semper prodit, quibus si cogatur destitui, prosterni eam illico penitusque aboleri necesse est. Atque hæc quidem mutud sibi ita respondent, ut pulsus crebritas & vehementia sanguinis effervescentiæ, hæc calori tanquam opifici in febre primario subjecta sit & ab eo dependeat. Imperium aque grave exercet calor, in cæteris febris proprietates, illius præsertim nomine apud eam conspicuas; sapores nimium qui in sanguine subiunt succutiendo, disjungendo & hæc vel illuc temerè impellendo hæc omnes suscitât molestias quibus febre acutissimâ detentos miserrimè excruciaci observamus.

V.

SPRETIS ergo vanis adversariorum meditationibus, velut ægrorum somniis, cum Hippocrate, Galeno, Celsò, per quos maxime viros salutaris ars nostra increvit, liceat audacter asserere, febrem esse *Recessum à naturali statu in caloris quaquaversum diffusi & ut substat nullam opem externam requirerentis evidenti exuperantia positem*. Nihilo autem minus ei definitioni accedendum est, quod sub febre putridâ interdum à modulo naturali parum alienus calor, vel propè extinctus videatur; ecquid enim hæc pertinet ab insurgente frigore eum vel pene suffocari? si quâ novâ incommoditate tunc æger adurgetur, morbus quidam ea sit singularis tam à febre diversus quam quisquam alius ab altero differre existimari potest. Sic qui bene calculum ponet, febrem intermittentem non solitarium morbum & unicum, at alteri, horrori videlicet rigorive conglutinatum fatebitur. Sed nec quisquam in pervidendis morborum differentiis vel utcumque sagax febrem ullam frigidam unquam extitisse propugnabit, aut solâ historiæ fide admodum fallaci constantem, aut non febris appellatione, sed aliquâ certè aliâ connotandam. Quæ valde diversa calori & frigori adhiberi debet medendi ratio, quam diversas ægri tudines exhibeant satis arguit. Huic si simplex esse agnoscat, ut fere apud febres intermittentes se offerre consuevit, otio potius quam negotio occurrendum est: si conjunctum putredini animadvertatur, ut se res habet in malignis, sola cardiaca opponenda sunt eaque calorem suscitandi facultate non ignobili adornata. Illi, calori nimirum, siquidem fermentatio vel nulla vel adsit mollissima, debentur refrigerantia, venæ sectio, & represso tumultu, unde coctionis ducitur conjectura, purgatio. Quod si quæ putredo subest symptomatum gravitate & anomalia insignis agnoscat, cardiacis quidem pugnandum est, at quam sub frigore temperatioribus, & sanguinis, si res urget, missione parciori, si moras permittit, liberaliori, dum purgationis auxilium imploretur, sapissime in hoc casu

4.
 vel nascente adhuc morbo, nec ullâ coctionis demonstratione expectatâ mochli-
 cas celebrandâ. Circumspecti tamen hominis est sibi tunc cavere ut ne festi-
 nationi nimîæ indulgeat, solo populi male judicantis præclarâ vitio, qui studio
 stupidus majorem vim habere credit ea quæ non habent artem & effringere
 quam aperire, rumpere quam solvere, trahere quam ducere, nullo non loco,
 efficacius utiliusque existimat. Hæc omnia vir ille viderat & arte & facundiâ
 insignis propeque divinus Hippocrates, qui περὶ μείζονος καὶ μικροῦ πυρετοῦ de τοῖς
 μεγάλου καὶ μικροῦ πυρετοῦ vel syllabâ quâ febrem solebat designare, omnem illius essentiâ
 complexus, eam in calore sitam esse manifestissimè declaravit. Is si, quidem solus
 sit omnique requisito à saporibus auxilio destitutus, in eo duntaxat nervos
 intendit suos ut sanguini effervescentiâ apportet, cor & arterias vehemen-
 tius crebriusque exagitet & aliquot turbas moveat, solâ sæpe frigoris reverfio-
 ne spontaneâ tranquillandas. Quod si saporum, quam sibi paravit, excandef-
 centiâ & furore, bipenni velut terribili armatus sit, ὥς αὖ ἡ γένεσις ἢ παρὰ τὴν
 μέσσην & ἀπὸ τῆς μέσης ἀπὸ τῆς κέντρος sanguinis texturam discerpit, corporis fibrillas
 diffecat, succos ab iis quas insilire debebant viis aliorum vel invitos pro-
 pellit, junctos separat, divisos permiscet & confundit, naturamque ita immu-
 tat ut ipsa se eandem esse vel brevi non agnoscat. In febre demum qualibet,
 inter omnes, quas nata est induere, proprietates primum obtinens locum eas
 infra se positas ita pragravat, ut iniquus rerum æstimator meritò habendus sit
 qui non, eo febris essentiâ contineri, cum antiquitate omni quam majestas
 quædam & ut sic dixerim religio commendat, vel libentissimè fateatur.

Ergo febris essentia, Calor.

Domini Doctores disputaturi.

M. Michaël de Hodencq.

M. Pontius Maurin.

M. Franciscus Maillart.

M. Joannes Poisson.

M. Jacobus des Prez.

M. Petrus Paulus Guyart.

M. Petrus Lombard.

M. Philippus Mathon.

M. Rymundus Finot.

Proponet Parisiis ANDREAS CRESSE', Parisinus,
 Baccalaureus Medicus. A. R. S. H. 1695.

▲pud Franciscum Muguet, Regis & Facultatis Medicinæ Typographum.